
Saksnr: 2020/72318-1
Saksbehandlar: Jan Heggheim
Dato: 24.09.2020

Til: Hovudutval for næring

Frå: Fylkesdirektør innovasjon og næringsutvikling

Tiltakspakke Vestland, ei oversikt over korona-relaterte tiltak

Kvifor dette notatet

Fylkesutvalet vedtok i møte 26. mars 2020 i sak 42/2020, «Konsekvensar av koronaepidemien for næringslivet i Vestland», ei tiltakspakke for næringslivet. Dette var starten på ei rekkje løyvingar, mange direkte korona-relaterte. Dette notatet oppsummerer tiltaka og kor mykje av dei tildelte ressursane som er i arbeid.

Status tiltakspakke

Vestland fylkeskommune

- BIO-midlar, totalt 24 mill
 - Destinasjonsselskapa i reiselivet, 8.5 mill
 - Ekstraordinære midlar til kommunale næringsfond 75.6 mill
 - Regionalt forskingsfond + 2.912 mill
 - Ekstramidlar til breiband, til saman 35.874 mill
 - Næringshagar og inkubatorar, 5.550 mill
 - Etter- og vidareutdanning, 1,45 mill
 - Ordinære søknadsbaserte midlar 16.550, ny søknadsrunde med frist 15. september
 - Innovasjon Norge, 4 mill
-
- Til saman 152,3 mill tildelt frå fylkeskommunen

Administrativ ekstrainsats

Av oppsummeringa over går det fram at fylkeskommunen dei siste månadane har formidla 152,3 millionar kroner til tiltak i samband med korona-pandemien. Av dette er det midlar til BIO (bedriftsintern opplæring) på 11,4 millionar og ordinære utlysingsmidlar på 16,5 millionar, større delar av midlane til regionale forskingsfond, og breibandmidlar som er «normal» aktivitet, og bestemt i budsjettet for 2020. Resten er ekstraordinære tiltak som har ført til ei ekstrabelastning for avdeling for innovasjon og næring. Det er verd å merke seg at dette har vore gjort utan ekstra ressursar av noko slag. Dei tilsette har gjort ein svært god innsats for å få dette til.

Tiltakspakke Vestland:		
Samla sum	22,1	mill
Bedriftsretta støtte gjennom Innovasjon Norge	4,4	mill
Reiselivsnæringa Næringshagar og inkubatorar Etter- og vidareutdanning Utlyst av fylkeskommunen, til saman	17,7	mill

I same saka var det skissert		
BIO-midlar	11,4	mill
Oppstartsfond i tre regionråd	3,0	mill
Forskingsmidlar gjennom regional forskingsfond	9,0	mill

Drøfting av gjennomføring

Reiseliv:

Krisestøtte til ekstra marknadsføring til destinasjonsselskapa, 8,5 mill i R-sak 20/2020. Utlysing med kort frist og kort sakshandsamingstid.

BIO- midlar (BedriftsIntern Opplæring):

Opprinneleg beløp i statsbudsjettet var 5,5 mill, dette er auka opp i to av tiltakspakkane til regjeringa, først til 11,6 mill, deretter til totalt 24 mill i juni. Alle løyvingar er ferdig handsama. Sjå skisser i slutten av notatet. Det kom 217 søknader, 138 av desse fekk støtte. Det vart søkt om 42 millionar kroner, og altså tildelt 24.

Etter- og vidareutdanning

Fire søknader, 1,45 mill er ferdighandsama.

Etablerertilskot

Dette er ein del av budsjett 2020, og handlar om ordninga med etablerertilskot via regionråda i Hordaland 3 mill. Dette er motsvaret til løyvingane til kommunale næringsfond til nokre kommunar i Sogn og Fjordane på til saman 4 mill utvalet gjorde i politisk sak 20/2020.

Kommunale næringsfond

Ekstraløyving på 75,6 millionar vart gjort i tiltakspakke 3 frå regjeringa. Fordelinga skulle gjerast i fylkeskommunane. Hovudutvalet vedtok fordeling i P-sak 46/2020 den 16. juli. Midlane er lyst ut i 39 av 43 kommunar, dei fleste kommunane er altså i full gang med utlysing og handsaming.

Regionale forskingsfond

Det var estimert ei løyving til Regionalt forskingsfond Vestland på 9 millionar for 2020. Regjeringa gav i ein av tiltakspakkane 2,9 mill i ekstra løyving til fondet. Dette er midlar til langt meir langsiktige tiltak enn til dømes BIO-midlane som er omtalt over. Ekstraløyvinga vil difor bli lagt til dei ordinære fondsmidlane.

Ordinære utlysingsmidlar, del 1:

Det vart i hovudvalsmøte 4. juni tildelt 16.565.500 kr i ordinære tilskotsmidlar, avsett i budsjett 2020. Ramma for utlysing med frist 15. september er 5 mill. Nokre av løyvingane 4. juni var

påverka av situasjonen med korona-pandemi, og dette er forsterka i søknadsrunde to, dette kjem fylkesdirektøren tilbake til i anna sak.

Ekstramidlar til breibandutbygging:

I samband med korona-pandemien auka regjeringa opp den sentrale potten til breibandutbygging til 406 millionar kroner. Dette ga også Vestland fylke ein monaleg auke i ramma målt mot tidlegare år. Til saman har Vestland fylkeskommune 35,874 millionar disponibelt til utlysing i 2020. Søknadssummen var på 47,2 mill.

Bio-midlar, nokre illustrasjonar:

Geografisk fordeling

Innvilga beløp per sysselsatt

